

ATTALEA—PRINCEPS

ՎՍԵՎՈՒՈՐԻ ԳՍՐԵՒՆԻ

Մի մեծ քաղաքում մի բուսական այգի կար և այդ այգում էջ - մի ահագին օրանժերէա, շինած ամբողջովին երկաթից և ապակիներից: Շատ գեղեցիկ էր նա. կանգուն, ուրուըն սիւները բռնած - սլահում էին ամբողջ շինութիւնը, որոնց վրայ ամրացրած թեթև քանդակներու կամարները, հիւսելով միմեանց հետ երկաթի շրջանակների կառարեալ ցանցով, զարդարւած էին ապակիներով: Մանաւանդ գեղեցիկ էր օրանժերէան, երբ արեգակը մայր էր մոնում ու լուսաւորում նրան իւր վերջին կարմիր գոյներով: Նա այդ ժամանակ ասէք ամբողջութեամբ այրում էր. արևի շաւղունած շողքերը խաղում և խառնում էին միմեանց հետ, կարծէք, դա ինէր մի մեծ՝ խիստ մանր յղկած, թանկազին քարի մէջ:

Հաստ բայց թափանցիկ ապակիների միջից երևում էին բոնտարկւած բոյսերը: Չընայած օրանժերէաի մեծութեանը - նա նրանց համար խիստ նեղ և արձակ էր: Արմատները ակամալից հիւսում էին միմեանց հետ ու խլում իրարից խոնսուութիւնը և սնունդը: Ծառերի ճիւղերը խաւնում էին արմաւենիների ահագին տերեւների հետ, կռացնում ու կոտրաւորում նրանց, և, իրանք, ըստ հերթին, դէմ ընկնելով երկաթի շրջանակներին, նոյնպէս կռւանում և կոտրաւորում: Այգեպանները միշտ կոտորում էին նրանց ոստերը, կապում էին լարերով տերեւները, որպէս զի նրանց չը կարողանան աճել ազատ դէպի ամեն կողմ - բայց դա շատ քիչ էր օգնում: Բոյսերի համար, երևում էր, հարկաւոր էր լայնարձակ տարածութիւն, հայրենի երկիր և ազատութիւն: Նրանք տաք երկրների զաւակներ էին,

քնքոյշ, շքեղաշուք արարածներ. նրանք մտաբերում էին իրանց հայրենիքը և սրտնեղում: Ինչքան և թափանցիկ չէ ապական ալ ծածկոյթը, բայց նա, դարձեալ ի հարկէ, ջինջ երկինքը չէ: Նրբեմն, ձմեռն, երբ ապակիները սառչում էին, — տիրում էր սարսափելի մթութիւն օրանժերէայում: Քամին ոռնում էր, զարնւում շրջանակներին և զողողացնում նրանց: Ամբողջ կամարը պատում էր մանր, քնքուշիկ ձիւնի կեղևով: Բոյսերը կանգնած՝ լսում էին քամու ոռնալը և մտաբերում մի այլ, տարբեր քամի, տափակ և խոնաւային, որը նրանց կեանք և առողջութիւն էր տւել: Եւ նրանք ցանկանում էին կրկին զգալ այդ քամու շնչառու ոգին, ցանկանում էին, որ նա շարժէր իրանց ճիւղերը, խաղար իրանց տերեւների հետ: Բայց օրանժերէայում օդը անշարժ էր. միմիայն ժամանակից-ժամանակ ձմեռւան մրրիկն էր, որ կոտորում էր ապակին և ներս մտցնում եղեամով լիքը ցուրտ հոսանքը կամարի տակ. և այդ ժամանակ ամենուրեք, ուր մտնում էր այդ հոսանքը, տերեւները գունաթափւում էին, կուչ գալիս և թառամում:

Բայց ապակիները շատ շուտ էին գցւում: Բուսաբանական այգու կառավարողը մի չափազանց գիտուն տեսուչ էր և նա ոչինչ անկարգութիւն չէր թողնւորում. օրանժերէայի մէջ, չը նայած որ իւր օրերի մեծ մասը նա գործադրում էր խոշորացոյցի վրայ իւր առանձին խուցում, որը շինւած էր այն գլխաւոր օրանժերէայի մէջ:

Բոյսերի մէջ, բոլորից բարձր և բոլորից գեղեցիկ, մի արմաւինի կար: Խուցում նստող տեսուչը անւանում էր նրան լատինական լեզւով Attalea. Բայց այդ անունը նորա իսկական անունը չէր. նրան Ննարեկ էին բուսաբանները: Նորա իսկական անունը բուսաբաններին յայտնի չէր և հէնց դորա համար էլ նա գրւած չէր սպիտակ տախտակի վրայ սև մուրով ու կպցրած ծառի բունին: Մի անգամ այդ բուսաբանական այգին եկաւ մի նորեկ այն տաք երկրից, որտեղից-որ էր այդ արմաւենին և, երբ որ նա նրան տեսաւ, իսկոյն ժպտաց, որովհետեւ արմաւենին չիշեցրեց նրան իւր ծննդավայրը:

— Աս... ասաց նա, ես ճանաչում եմ այս ծառը: Եւ նա տւեց այդ ծառի անունը:

— Ներեցէ՛ք, — աղաղակեց իւր խուցից տեսուչը, որն այդ ժամանակ ուշագրութեամբ կտրատում էր ածելով մի ինչ-որ ճիւղ, —

դուք սխալու՞մ էք: Այնպիսի ծառ, ինչպէսին դուք բարեհաճեցիք անւանել—չը կայ: Սա Attalea-Princeps-ն է ¹⁾, Բրազիլիայից բերած:

—Ի... ի հարկէ, —ասաց բրազիլիացին, —ես կատարելապէս հաւատում եմ ձեզ, որ բուսաբանները նրան Ատտալէա են անւանում. բայց և այնպէս, նա ունի իւր իսկական անունը:

—Նորա իսկական անունը նա է, ինչ որ տալիս է գիտութիւնը— սառնութեամբ պատասխանեց բուսաբանը ու փակեց իւր խուցի դուռը, որպէս զի նրան չը խանգարեն մարդիկ, որոնք չեն հասկանում մինչև անգամ, որ նորա առաջ՝ ինչ-որ ասեց մի անգամ գիտութեան մարզը, պիտի լռել և ընգունել:

Իսկ բրազիլիացին երկար կանգնած՝ նայում էր ծառին և աւելի և աւելի ակրամտում: Յիշեց նա իւր հայրենիքը, հայրենիքի արեգակը և երկինքը, նորա շքեղ անտառները, նորա հրաշալի հարաւային գիշերները: Մտաբերեց նա նոյնպէս, որ ինքն ոչ մի տեղ բաղդաւոր չի եղել, բացի իւր հայրենի երկրից, —իսկ նա ամբողջ աշխարհը պտտել էր: Նա ձեռը կպցրեց արմաւենուն, կասես, մնաք բարեւ էր ասում նրան և հեռացաւ այգուց. իսկ միւս օրը նա շոգենաւով արգէն գնում էր տուն:

Իսկ արմաւենին մնաց: Նորա համար օրերն էլ աւելի ծանրացան, թէև մինչև այդ օրը նրանք շատ էլ թեթեւ չէին: Նա բոլորովին մենակ էր. ամբողջ հինգ սաժէնով նա բարձր էր բոլոր մնացած ծառերից, և այդ բոլոր մնացած ծառերը նրան չէին սիրում, նախանձում էին և գոռոզ էին համարում: Այդ հասակը նրան միայնցաւ էր պատճառում. բացի նրանից, որ նրանք բոլորը միասին էին, իսկ ինքը—մենակ, նաև ամենից լաւ էր յիշում իւր հայրենի արեգակը և ամենից շատ էր վշտանում նորա մասին, որովհետև ամենից աւելի մօտ էր այն բանին, որը փոխարինում էր նրան—զարշելի ապակեայ ծածկոյթին: Նորա միջով նրան ևրելում էր երբեմնա-

¹⁾ Ինչպէս-որ մեզանից իւրաքանչիւրին մեր և մեր հօր անունն են տալիս—չիշում եմ, ինչպէս սրամտեց մի անգամ իւր գոտախօսութեան ժամանակ մեր բօտանիկայի պրոֆեսօր Խլ. Բօրօզին, —ալնպէտ էլ դիտեալիս երբեք չի և կենդանիներին երկու երկու անուն են տալիս:

պէս մի ինչ-որ կապոյտ բան. դա երկինքն էր, թէև օտար և գունատ, բայց և այնպէս էլի երկինք: Եւ ամեն անգամ, երբ բոյսերը սկսում էին զրուցել միմեանց հետ, Attalea-ն միշտ և միշտ լուռ էր և տխուր, և մտածում էր միայն նորա մասին, թէ ա՛խ ինչքան լաւ կը լինէր դուրս գալ ու կանգնել հէնց մինչև անգամ այդ գունատ երկնքի տակ:

—Ասացէք, խնդրեմ, մեզ շուտով պիտի ջրեն, — հարցրեց սագօտու արմաւենին, որը թացութեանը շատ էր կարօտում: Ես, ճշմարիտ որ, պիտի այտօր չորանամ:

— Ինձ զարմացնում են ձեր խօսքերը, դրացիկս, — ասեց փորը դուրս ընկած կակոուսը: Մի՞թէ, ճշմարիտ, քիչ է ջրի այն ահագին քանակութիւնը, որ ամեն օր ածում են ձեզ վրայ: Խնդրում եմ նայեցէք ինձ վրայ. ինձ ամեն օր շատ քիչ ջուր են տալիս, — բայց և այնպէս, ես միշտ թարմ եմ և ջրալի:

— Մենք սովոր չենք այգքան չափից-գուրս ժլատ կեանքի, — պատասխանեց սագօտու արմաւենին: Մենք չենք կարող ածել այնպիսի չոր և անպէտք հողի վրայ, ինչպէս մի որ և է կակոուս: Մենք չենք սովոր ապրել ինչպէս և փցէ: Եւ բացի այդ բոլորից՝ ես այն էլ պիտի ասեմ, որ չեմ խնդրում ձեզ նկատողութիւններ անել:

Այս ասելով սագօտու արմաւենին վիրաւորեց ու սուս կացաւ:

— Իսկ ինչ որ վերաբերում է ինձ, — մէջ մտաւ դարչենին, — ես գրեթէ բաւական եմ իմ դրութիւնից: Ծշմարիտ է, այստեղ մի քիչ տխուր է, բայց գոնէ ես հաւաստի եմ, որ ինձ ալստեղ ոչ-ոք չի կեղեքի:

— Դե՛հ, խօ՛ւմ ձեզ բոլորիդ էլ չեն կեղեքի — ասաց ժառանման ձարխոոր ¹⁾: Ի հարկէ շատերին կարող է արքայութիւն երեւալ և այս բանդը նոյն թշուառ կացութիւնից յետոյ, որը նրանք կրել են ազատութեան մէջ:

Այստեղ դարչենին մոռանալով, որ ինքն ինչպէս շատ անգամ կեղեքւել է, վշտացաւ ու սկսեց վիճել: Մի քանի բոյսեր նրա կողմն անցան, մի քանիսն — ձարխոորի, և սկսեց ջերմ չիշոցաբանութիւնը: Եթէ նրանք կարողանային շարժւել տեղերիցը — անպատճառ կը կուէին:

¹⁾ Папоротникъ.

— Ի՛նչու էք վիճում, — ասաց Attalea-ն: Մի՞թէ այդպիսով կարծում էք օգնած կը լինէք դուք ձեզ. զայրացմամբ և չարանալով դուք բազմապատկում էք միայն ձեր անբաղդութիւնը: Լաւն այն է, թողէք ձեր վէճը և մտածեցէք գործի մասին: Ականջ դրէք ինձ, աճեցէք բարձր և դէպի ամեն կողմ. տարածեցէ՛ք ոստեր, հրեցէք շրջանակներին և ապակիներին. օրանժերէան կտոր-կտոր կը դառնայ, մենք դուրս կը գանք ազատութիւն: Եթէ միայն մի ճիւղ դէմ ընկնի ապակիին, նրան, իհարկէ, կը կտրեն. բա՛յց ի՛նչ կանեն հարիւր ուժեղ և համարձակ բունների հետ: Հարկաւոր է միայն համերաշխ գործել և յաղթութիւնը մեր կողմը կը լինի:

Սկզբից արմաւենուն ոչ-ոք չը հակառակեց. բոլորն էլ լուել էին և չը գիտէին ի՛նչ ասէին: Վերջապէս սագօտու արմաւենին վճռեց խօսել.

— Դրանք բոլորն էլ յիմարութիւններ են, — յայտարարեց նա:

— Յիմարութիւններ են, յիմարութիւններ, — ասացին ծառերը և սկսեցին միասին, խմբովին բացատրել Attalea-ին, որ նա սարսափելի մեծ անմտութիւն է առաջարկում: Անիրագործելի ցնորք, — գոռացին նրանք. ցնորք, անհաւանականութիւն: Աւաջինը՝ շրջանակները շատ պինդ են և մենք նրանց երբէք չենք կտորի և, երկրորդ, եթէ կտորէինք էլ, ախր որ ի՛նչ յետոյ: Կը գան մարդիկ դանակներով և կացիններով, կը կտտորեն ճիւղերը, կը շինեն շրջանակները և բոլորը կրկին կընկնի իւր առաջւայ կարգը: Միայն նա կը լինի, որ մեզանից ամբողջ ճիւղեր կը կտրատեն...

— Դուք էք իմանում, ինչպէս կուզէք, — ասաց Attalea-ն: Ես միայն գիտեմ հիմա, թէ ինչ կանեմ: Ես ձեզ այլ ևս չեմ խօսացնի. ապրեցէք, ինչպէս ուզում էք. մըռմըռացէք միմեանց վրայ, կուեցէք ջրի համար և մնացէք յաւիտեան այդ ապակեայ կալպակի տակ: Ես մենակ էլ կը ճարեմ իմ ճանապարհս: Ես ուզում եմ տեսնել երկինքը և արեգակը ո՛չ այս վանդակների և ասպակիների միջոցով, — և ես կը տեսնեմ:

Եւ արմաւենին խորխտութեամբ նայեց իւր բարձր կանաչ զագաթից իւր ընկերների վրայ, որոնք կանգնած էին նրա ստորոտում և կազմում էին ամբողջ անտառ: Նրանցից ոչ-ոք չը համարձակեց այլ ևս ոչինչ ասել, միայն սագօտու արմաւենին կամացուկ նկատեց իւր հարեան ցիկադաին.

— Լաւ, կը տեսնենք, կը տեսնենք ինչպէս կը կարեն քո գլուխը, որպէսզի դու շատ չը մեծամոես, խրոխտ:

Միւսներն թէև լռել էին, բայց այնու ամենայնիւ էլի բարկանում էին Attalea-ի վրայ նորա խրոխտ խօսքերից: Միայն փոքրիկ խոտն էր, որ չէր բարկանում նորա վրայ և վիրաւորում նորա խօսքերից: Դա ամենաթշուառ և կարելի է ասել արհամարական խոտն էր օրանժերէպի բոլոր բոյսերի մէջ. փխրուն, դալկացած, սողուն, թարչամած և հաստիկ տերեւներով: Նորա մէջ նշանաւոր ոչինչ չը կար և գործ էր ածուում օրանժերէպում լոկ մերկ գետինը ծածկելու համար: Նա փաթաթուել էր մեծ արմաւենու ստորոտով, ականջ էր դնում նրան և նրան թւում էր, թէ Attalea-ն արդար է: Նրան յայտնի չէր հարաւային բնութիւնը, բայց նա այնպէս սիրում էր օդը և ազատութիւնը: Օրանժերէան նորա համար նոյնպէս բանգ էր: Ընթէ ես, շնչին թարչամած խոտիկս, այսպէս տանջուում եմ առանց իմ մոխրագոյն երկնքի, առանց իմ գունատ արեգակի և ցուրտ անձրևի, հապա ինչ պիտի կրէ բանտարկութեան մէջ այդ գեղեցիկ և խրոխտ ծառը:

Այսպէս մտածում էր նա, քնքշութեամբ փաթաթուում արմաւենու շուրջը և զգուում նորան: «Ախր, ի՞նչու ես մեծ ծառ չեմ: Ես կը լսէի նորա խորհրդին, մենք միասին կ'աճէինք և միասին դուրս կը գալինք ազատութիւն: Այն ժամանակ միւսներն էլ կը տեսնէին, որ Attalea-ն արգար է:

Բայց նա մեծ ծառ չէր, այլ միայն և եթ փոքրիկ և թարչամած խոտիկ: Նա դեռ ևս կարող էր փաթաթուել Attalea-ի բունով, շնչալ նրան իւր սէրն և ցանկալ նրան աջողութիւն նորա ճնոնարկութիւնների մէջ:

— Ի հարկէ, մեզ մօտ երբէք այնպէս տաք չէ, երկինքը այնպէս պարզ և անձրևները այնքան ճոխ չեն, ինչպէս ձեր կողմերում, բայց և այնպէս, մեզ մօտ էլ կան և երկինք, և արեգակ, և հողմ: Մեզ մօտ չը կան այնպիսի շքեղ բոյսեր, ինչպէս դուք և ձեր ընկերներդ էք, այդպիսի ահագին տերեւներով և սքանչելի ծաղիկներով, բայց, այնու ամենայնիւ, մեզ մօտ էլ են բնում շատ լաւ ծառեր՝ եղևին, սօճի, թխտենի: Ես մի փոքրիկ խոտ եմ և երբէք չեմ հասնի ազատութեան, բայց, ախր, դուք այդչափ մեծ և հուժկու

էք: Ձեր բունը ամուր է և ձեզ քիչ է մնացել հասնելու ապակեայ ծածկոյթին: Դուք կը փշրէք նրան և դուրս կը դաք ասուածային աշխարհը: Այն ժամանակը դուք կը պատմէք ինձ, արդեօ՞ք աշնոեղ բոլորն էլ այժմս նոյնքան գեղեցիկ են, ինչպէս որ էին: Ես կը բաւականանամ և զրանով:

—Ա՛խր ի՛նչու, փոքրիկ խոտ, դու չես ուզում դուրս գալ ինձ հետ միասին: Իմ բունը հաստ է և պինդ. յենւիր նորա վրայ և սողիր նրանով: Քեզ տանելն ինձ համար ոչինչ չարժէ:

—Է՛հ, է՛հ.—ե՛ս ուր. նայեցէ՛ք, ի՛նչպէս թարշամած և տկար եմ ես. ես չեմ կարողանում բարձրացնել իմ մի ճիւղս անգամ: Ձէ՛, ես ձեզ ընկեր չեմ: Աճեցէ՛ք, բաղդաւոր եղէ՛ք: Միայն, ինդրում եմ, երբ դուրս եկաք ազատութիւն, մտաբերեցէ՛ք երբեմնապէս ձեր փոքրիկ բարեկամին:

Այդ ժամանակ արմաւենին սկսեց աւելի և աւելի մեծանալ: Օրանժերէտի այցելուները սկզբում զարմանում էին նորա ահագին հասակով, իսկ նա ամսից-ամիս աւելի և աւելի էր բարձրանում: Բուսաբանական այգու տեսուչը այդպիսի սրընթաց աճումը վերագրում էր իւր լաւ հոգատարութեանը և հպարտանում էր իւր գիտութիւնով, որով նա շինել էր ջերմասենեակը և առաջ էր տանում իւր գործը:

—Այո՛, նայեցէք Attalea-princeps-ին,—ասում էր նա: Այսպիսի գեղահասակ օրինակներ Բրազիլիայումն անգամ շատ սակաւ են պատահում: Մենք գործ դրինք մեր բոլոր հմտութիւնը, որպէս զի բոյսերը ջերմասենեակում աճեն նոյնպէս ազատ, ինչպէս և ազատութեան մէջ, և, ինձ թւում է, թէ մենք հասել ենք այդ կողմից արդէն նշանաւոր առաջադիմութեան:

Այս ասելով, նա ինքնաբաւականութեամբ մի քանի անգամ խփեց իւր ձեռնափայտով արմաւենուն և հարւածները զանգակաձայն թնդացին ջերմասենեակի մէջ:

Արմաւենու տերևները սարսրեցին այդ հարւածներից: Աւա՛ղ, եթէ նա իմանար հաւաչելը, զայրոյթի ինչպիսի գոռոց պիտի լսէր տեսուչը:

—Նա երևակայում է, իբր թէ ես բռնում եմ նորա բաւականութեան համար,—մտածեց Attalea-ն: Թո՛ղ երևակայէ:

Եւ նա սկսեց աճել, գործադրելով իւր բոլոր հիւթերը միակ ձգւելու վրայ, գրկելով նրանցից իւր արմատները և տերևները: Երբեք նրան թուում էր, որ կամարից հեռաւորութիւնը չի փոքրանում: Այդ ժամանակ նա լարում էր իւր բոլոր ոյժերը: Նրջանակները աւելի և աւելի մօտենում էին նրան և ահա՛, վերջապէս, երիտասարդ տերևը կպչում է սառած ապակիին և երկաթին:

— Նայեցէ՛ք, նայեցէ՛ք, — ասացին բոյսերը. տեսէ՛ք ի՞նչ տեղ է գնացել: Զը լինի թէ վճռւի:

— Ի՞նչ անենք, որ աճել է: Ի՞նչ մի չը տեսնած բան է: Ահա՛, եթէ նա կարողանար հաստանալ ինձպէս, — դա դեռ ևս հասկանալի կը լինէր, — ասաց հասուրիկ տակառաձե բունով ցիկադան: Միւր ո՛ւր է մեկնուում: Բայրն մի է. ոչինչ չի կարողանալու անել: Նրջանակները ամուր են և ապակիները հաստ:

Մի ամիս ևս անցաւ: Attalea-ն բարձրանում էր: Վերջապէս, նա ահա պինդ սեղմեց շրջանակներին: Բռնելու այլ ևս տեղ չը կար: Այդ ժամանակ բունը սկսեց ծուլել. սաղարթախիտ գազաթը ճիւղեց. շրջանակների ցուրտ փայտերը հպւեցան ջահիլ քնքոյշ տերևներին, կոտորեցին և ալյանդակեցին նրանց, բայց ծառը յամու էր, չէր խնայում տերևներին և չը նայելով ոչնչի, ճնշում էր վանդակներին, և, ահա՛, վանդակները սկսել էին անձնատուր լինել, թէև շինւած էին ամենամուր երկաթից:

Փոքրիկ խոտը հետևում էր այդ մաքառման և սրտաճմլում էր ալեկոծութիւնից:

— Ասացէ՛ք ի՞նձ, միթէ ձեզ ցաւ չէ տալիս: Եթէ շրջանակները այդքան ամուր են, լա՛ւ չէր լինի եթէ կենայիք, — հարցրեց նա արմաւենուց:

— Յաւ չէ՞ տալիս: Ի՞նչ կը նշանակէ ցաւ տալ, երբ ես ուզում եմ դուրս գալ աղաւորութիւն: Մի՛թէ դու չէիր, որ խրախուսում էիր ինձ, — նկատեց արմաւենին:

— Այո՛, ես խրախուսում էի, բայց չը գիտէք որ դա այդպէս դժւար է: Խեղճս էք գալիս: Դուք այդպէս չարչարում էք:

— Լռի՛ր, թշուա՛ռ բոյս: Ինձ մի՛ խնայիլ: Ես կը մեռնեմ, կամ կազատուեմ:

Եւ հէնց այդ րոպէին լսեց մի սուր, զանդակաձայն ձուռոց:

Կոտրւեց երկաթի հաստ շերտը: Թափւեցին և զօղանջեցին ապակիի կոտրտանքները: Նրանցից մէկը կպաւ տեսչի գոտակին, որն այդ րոպէին դուրս էր գալիս օրանժերէայից:

—Սա՛ ինչ է, — հեծկտաց նա, վեր թռչելով և տեսնելով օդի մէջ թռչող ապակիի կտորները: Նա դուրս վազեց նորա օրանժերէայից և նայեց ծածկոյթին: Սպակեայ կամարի միջով խրոխտութեամբ ցցած էր արմաւենու ձգւած կանաչ գազաթը:

—Միմիայն, — մտածեց արմաւենին ինքն-իրան, Եւ միթէ սա է բոլորը, ինչի համար չարչարել և տառապել եմ այսքան ժամանակ: Եւ միթէ միայն սրան հասնելն էր ինձ այրող փափագը:

Խորին աշուն էր, երբ Attalea-ն դուրս ցցւած կանգնած էր փշրւած ծածկոյթի միջով: Մաղում էր թեթեւ ձիւնախառն անձրևը. քամին քշում էր ցած ամպերի մոխրագոյն գահակները: Նրան թուում էր, որ նրանք գրկում են իրան: Մառերը արդէն մերկացել էին և մի-մի ալանդակ մեռեալներ դարձել. միմիայն սօժիի և մայրերի վրայ էին մնացել մութ կանաչագոյն ասղնատերևները: Մառերը դառնալից նայում էին արմաւենուն. «Կը սառչես, — կարծես ասում էին նրան, — դու չը գիտես թէ ինչ բան է սառնամանիքը: Դու չես կարող դիմանալ. ի՞նչու դուրս եկար քո ջերմասենեակից:

Եւ Attalea-ն իմացաւ, որ նրա համար ամեն բան վերջացած է: Նա սառչում էր: Կրկին վերադարձա՞յ ծածկոյթի տակ: Բայց նա այլ ևս անկարող է այդ անել: Նա պիտի կանգնէր ցրտահար հողմում, զգար նորա խստութիւնները, ձիւնի սրակտուր շփումները, նայէր կեղտոտ երկնքին, աղքատ բնութեանը, բուսաբանական այգու ետեի աղբոտ սրահին, մեծ տաղակալից քաղաքին, որը նշմարւում էր քշաթղպի մէջ, և սպասէր մինչև մարդիկ այնտեղ՝ ջերմասենեակում, չեն վճռի թէ ինչպէս վարւեն նորա հետ:

Տեսուչը հրամայեց սղոցել ծառը: «Կարելի էր նորա վրայ մի առանձին կալպակ կառուցանել — սասց նա, — բայց դա միթէ կարող է երկար տևել: Նա կրկին կը բանի և բոլորը կը կոտրաւոր: Բացի դորանից, էլ դա շատ թանգ կը նստի: Սղոցել նրան»:

Թոկերով կապեցին արմաւենուն, որպէսզի նա ընկնելուց՝ չը փշրի ջերմասենեակի պատերը և ցածից, առի և արմատից, սղոցեցին նրան: Փոքրիկ խողով, որ փաթաթւել էր ծառի բունով, լուզեց

անջատուել իւր բարեկամից և նոյնպէս սղոցի տակ ընկաւ: Երբոր արմաւենուն դուրս քաշեցին ջերմասենեակից, կտրած կոճղի վրայ տապալում էին սղոցով տրորած, պատառուտած ճիւղերը և տերեւները:

— Պոկել այս անպէտք բանը և դուրս գցել,—ասաց տեսուչը: Նա արդէն ղեղնել է, և սղոցն շատ է փչացրել: Այստեղ մի ուրիշ նոր բան պէտք է տնկել:

Պարտիզպաններից մէկը բահի հմուտ մի հարւածով դուրս բերեց խոտի մի ամբողջ խոխու: Նա գցեց նրան զամբիւղի մէջ, դուրս տարաւ և թափեց ետեւի սրահում ուղիղ մեռած արմաւենու վրայ, որն ընկած էր ցեխի մէջ և արդէն կիսաթաղւած ձիւնով: